



BIBLIOTEKA


Zakl. Nar. Im. Ossolińskich

XVII 2745









QVÆSTIO DE VISIONE BEATA;

Illustri & Adm. Rñdo. Domino,

D. DANIELI, CASIMIRO
K R V S I O,

Canonico Vratislauien. I. V. Do-
ctori, S. Theologiæ Licentiato, proponen-
da ad disputandum.

Ab

Adm. Rñdo. & Illustri Dño Promotore,

D. MARTINO CAMPIO VADOVIO,
S. T. D. Vniuersit. Cracouien. Vice Cancel-
lario, Præposito S. Floriani.

Pro solenni inauguratione in Doctorem S. Theologiæ.


Anno Domini, M. DC. XXXVIII²². Martij, Hora i.
matut. in Lectorio DD. Theologorum.

CRACOVIÆ. Ex Officina Typographica Francisci Casarij.

18.139



XVII - 2745 - III



Reuerendiſſimo & Perilluſtri Domino,

D. IOANNI, BALTHASARI
LIESCH DE HORNAV,

Episcopo Nicopolienſi, Episcopatus Vratiſlauien-
ſis Adminiſtratori, & Suffraganeo, Amba-
rumque Baſilicarum Vratiſlauiæ Præ-
poſito, S. Cæſareæ Maiestatis
CONSILIARIO,

Domino, & Confratri Obſeruandiſſimo,
S.



N Academicam Theologiæ a-
renam iam rude olim donatus miles
iterum euocor. Meminiſti enim,
Reueren. Dne. me in Sacrum Col-
legium Veſtrum receptum eâ lege,
ut in Antiqua & Nobili Vniuerſi-
tate aliqua Theologiæ gradum ca-
peſſerem. ſive fructuum quandoque
percipiendorum iucunditatem hac ipſâ moleſtiâ commen-
dare voluiſtiſ; magis enim nobis ſapiunt, quæ carè ſtete-
runt: ſive ſingularis fauor erga me, honoremq; meum animos
A 2
Veſtros

Vestros eò impulit, ut tot Artium Philosophiæq; ac Iurium gradibus ornatum an oneratum? honoratiorem adhuc esse iuberetis: siue ut Cathedram Vestram multis retrò seculis Doctorum in omni facultate feracissimam usurpatis titulis non viduaretis: siue inter alia Statuta Laudabilesq; Vestras Consuetudines, id quoque religiosè obseruetis, ne vllum absq; difficultate recipiatis, Supremi Numinis in hoc æmuli, qui etiã celi præmium non nisi magnis difficultatibus inuoluit. Quicquid tandem horum sit. Vestro ego pareo imperio, non meo obsecundo genio, qui vinum alias magis amare soleo quam hederam, maluiq; semper Theologiæ intrare arcana, quàm capere insignia. Tibi porrò Reueren. Dne. quem tanquam inter Collegas primum, huius meæ Academicæ dignitatis nouæ primum quoq; Authorem fuisse auguror, Conclusiones has, de more florentissimæ Vniuersitatis huius ordinatas, dedico, & offero, atq; in Te, tanquam in eum, qui me tot honoris grauare gradibus voluisti, hunc licet exiguum inde decurrentem riuum deriuo. Leges & Valebis.

Reuerendiss. & Perillustri D. T.

Seruus & Confr.

Daniel Casimirus Krusius, Philosoph: & I. V. D. Canonicus Vratislauenfis.

QVÆSTIO

DE

VISIONE BEATA.

V. Intellectus Beatorum eleuatus lumine gloriæ, videns Deum intuitiue, videat omnia quæ sunt in Deo æqualiter vel inæqualiter, propter lumen gloriæ, ita vt perfectio Intellectus naturalis nihil ad inæqualitatem Visionis Beatificæ conferat, necne?

CONCLUSIO I.

Intellectus Beatorum ad videndam intuitiue Essentiam Dei, supernaturali habitu luminis gloriæ eleuari debet.

COROLLARIA.

A 3

1. Intel.

1. *Intellectus tam Angelicus quàm Humanus solis viribus naturalibus intuitiue & quidditatiue Deum attingere nequit.*
2. *Visio Beata est supernaturalis omni intellectui creato, adeoq³ Visionem Beatam esse possibilem, nulla ratione naturali ostendi potest, sed sola fide tenendum est.*
3. *Tametsi Visio Beata supernaturalis sit omni naturæ create, tamen non repugnat dari Substantiam creatam, cui connaturalis sit visio Dei, neq³ ideo talis Substantia necessario esset impeccabilis, quamvis Substantiam aliquam rationalem impeccabilem admittere nullum videatur inconueniens.*
4. *Appetitus humanus naturaliter satiari potest absq³ visione Dei, adeoq³ non est in Homine appetitus innatus ad visionem Beatificam.*
5. *Lumen gloriæ, non est lumen increatum, nec Visio Beata, nec Species impressa, nec auxilium aliquod actuale, siue aliquis concursus per modum actus secundi, sed debet intelligi qualitas aliqua habitualis permanens per modum actus primi, cuius munus est complere intellectum ex parte potentia ad visionem Dei, sicut complent voluntatem ad actus supernaturales omnes habitus infusi.*

Conclusio II.

Essentia Dei ab Intellectu creato eleuato lumine gloriæ intuitiue videri potest, & de facto à Beatis clarè & intuitiue videtur.

COROLLARIA.

1. *Tametsi de facto per lumen gloria eleuetur Intellectus ad Visionem Dei, tamen potest is idem Intellectus creatus sine ullo principio in illo inherente supernaturali, eleuari ad videndum Deum per concursum Diuina omnipotentia concurrentis cum Intellectu sine aliquo principio præuio.*
2. *Oculus corporeus, & alij sensus materiales, per nullam potentiam eleuari possunt ad cognoscendum Deum.*
3. *Intellectus lumine gloria eleuatus ad actum Visionis Beatificæ effectiue & immediate concurrir, idq; non ut causa necessaria sed liberè.*
4. *Superuacaneum est admittere de facto speciem impressam, per quam Beati videant Deum. De possibili autem nulla videtur repugnantia, quo minus Deus creare possit speciem aliquam impressam immediate & entitatiue suiipsius representatiuam, qua beati in Visione Beatifica utantur loco Diuina Essentia.*

Conclusio III.

Beati de facto videntes Diuinam Essentiam, vident quæ in Deo sunt.

COROLLARIA.

1. *Prædica-*

1. *Prædicata Diuina quæ non distinguuntur virtualiter omnia debent necessario videri, si vnum videatur.*
2. *Dari possunt, & de facto dantur præcisiones formales, id est, Visiones Dei inadequatæ in se, licet adequatæ respectu Obiecti quatenus totum Obiectum explicant sed non totaliter.*
3. *Inter Essentiam & relationes Intellectum & Voluntatem Dei de facto dantur præcisiones Obiectiuæ etiam in Beatis saltem quoad affirmationem.*
4. *De facto Beati clarè & distinctè vident Deum trinum & vnum, nec solum ex parte Obiecti correspondent de facto Beatis attributa, & perfectiones Diuinæ, sed etiam ita clarè illas cognoscunt, ut possint eas distinguere.*
5. *Res contingentes de nouo vident Beati in Deo, quas ab initio non viderunt, non per Visionem Beatam, sed vel per reuelationes actuales, vel per cognitiones infusas de nouo acquisitas.*

Conclusio IV.

Non omnes Beati æqualiter vident Deum sed vnus altero perfectius,

COROLLARIA.

1. *De facto non omnes Beati ita distinctè vident omnipotentiam & scientiam Dei ut possint eam explicare in ordine ad omnes terminos in particulari distinguendo illos inter se.*

3. Possunt

2. *Decrēta libera Dei non omnia etiam ex parte obiecti attinguntur à Beatis.*
3. *Possunt creaturæ videri in Deo viso, similiter in eodem tanquam in medio cognosci & tametsi non possent in Deo creaturæ videri, adhuc tamen possent unica & in diuisibili visione Deus & creaturæ videri.*
4. *Etiam si Beati viderent in Deo omnes creaturas possibiles, non ideo sequi visionem illam fore infinitam.*
5. *Possunt in Deo videri omnes creaturæ possibiles, neq; tamen idcirco DEVS à creatura comprehendretur.*

Conclusio V.

Inæqualitatem Visionis Beatificæ causari de facto à lumine gloriæ non ab Intellectu probabilius est ob solam DD. authoritatem.


COROLLARIA.

1. *Ergo Intellectus quamuis immediate & effectiue attingat visionem Dei tamen non ideo visionem causabit perfectiorem quò ipse est perfectior.*
2. *Nulla est repugnantia dari aliquod lumen gloriæ quod sit indifferens ad videndas in Deo quascunq; creaturas.*


B

3. Neque

3. *Neque repugnat dari lumen gloriæ limitatum & coarctatum quod non possit nisi Petrum v. g. in Deo præsentare.*
4. *Inæqualitas inter visiones Dei est dogma fidei quæ pro meritorum diuersitate Beatis datur eaque vel intensius est vel extensius.*





In Decanatu secundo. M. Matthiæ Blofii Bruzinski S. Theologiæ Doctoris, S. Floriani & Sacræ Facultatis Theologiæ Decani,
C. P. S.





Permissu Magnifici & Adm. Rñdi. Domini,
D. ALBERTI BOROVII, S. Th. DO-
ctoris & professoris, Custodis S. Floriani,
Canonici Scarbimirieñ. Vniuersita-
tis Cracouiensis
GENERALIS RECTORIS.







[Faint, illegible text, possibly a title or description, spanning several lines.]

[Faint, illegible text, possibly a signature or date.]

[Faint, illegible text in the bottom left corner, possibly a page number or reference.]





6147
— 51

